

7-4

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) na prijedlog ministra zdravstva i predsjednika Kriznog štaba Ministarstva zdravstva Zeničko-dobojskog kantona, Vlada Zeničko-dobojskog kantona, na 29. vanrednoj sjednici, održanoj dana 19.03.2021. godine, d o n o s i

## ZAKLJUČAK

### I.

Usvajaju se Naredbe Kriznog štaba Ministarstva zdravstva koje su sastavni dio ovog zaključka (Prilog 1.).

### II.

Naredbe Kriznog štaba Ministarstva zdravstva donose se sa rokom važenja od 14 dana, računajući od dana 20.03.2021. godine, koji se utvrđuje kao dan početka primjene ovih Naredbi.

### III.

Zadužuje se Krizni štab Ministarstva zdravstva da prije isteka roka iz tačke II ovog Zaključka, sagleda kompletnu epidemiološku situaciju COVID-19 u Zeničko-dobojskom kantonu i sačini procjenu rizika, a radi razmatranja mogućnosti i potrebe izmjene naredbi utvrđenih ovim Zaključkom, te prema Vladi Zeničko-dobojskog kantona dostavi prijedlog novih naredbi i preporuka.

### IV.

Ovaj zaključak stupa na snagu danom donošenja i objavit će se u Službenim novinama Zeničko-dobojskog kantona.

Broj: 02-33-3801/21  
Datum, 19.03.2021. godine  
Zenica



#### DOSTAVLJENO:

- 1x Ministarstvo zdravstva,
- 1x Krizni štab Ministarstva zdravstva, putem Ministarstva,
- 1x Ministarstvo unutrašnjih poslova,
- 1x Kantonalna uprava za inspeksijske poslove,
- 1x Svim ministarstvima i drugim tijelima kantonalne uprave,
- 1x Svim gradovima i općinama sa područja Zeničko-dobojskog kantona,
- 1x Službena web stranica Zeničko-dobojskog kantona i Ministarstva zdravstva,
- 1x „Službene novine Zeničko-dobojskog kantona“,
- 1x a/a.

**NAREDBE KRIZNOG ŠTABA  
MINISTARSTVA ZDRAVSTVA ZENIČKO-DOBOJSKOG KANTONA**

**I. OPĆE NAREDBE**

1. Ograničava se kretanje stanovništva na području Zeničko-dobojskog kantona u vremenu od 21<sup>00</sup> sat uvečer do 05<sup>00</sup> sati ujutro narednog dana.
2. Iz stava 1. ove tačke izuzimaju se svi zaposlenici koji su uključeni u provođenje mjera i aktivnosti na rješavanju epidemije COVID-19 na području Zeničko-dobojskog kantona, zaposlenici kojima se proces rada odvija u smjenama, međugradski i međunarodni prevoz putnika, taksi služba, kao i vozači teretnih vozila u domaćem i međunarodnom transportu.
3. Zaposlenici iz stava 2. koji su uključeni u provođenju mjera i aktivnosti na rješavanju epidemije COVID-19 na području Zeničko-dobojskog kantona i zaposlenici kojima se proces rada odvija u smjenama, moraju imati odobrenje poslodavca za kretanje u vremenu od 21<sup>00</sup> sat uvečer do 05<sup>00</sup> sati ujutro narednog dana.
4. Zabranjuje se održavanje svadbi i drugih proslava na području Zeničko-dobojskog kantona.

Za kontrolu mjera iz tačke 1. Poglavlje I. "OPĆE NAREDBE" zadužuje se Uprava policije Ministarstva unutrašnjih poslova Zeničko-dobojskog kantona u skladu sa kantonalnim Zakonom o javnom redu i miru.

**II. NAREDBE ZA PREDŠKOLSKE USTANOVE**

1. Zabranjuje se rad predškolskih ustanova na području Zeničko-dobojskog kantona.
2. Za kontrolu mjera iz tačke 1. Poglavlje II. "NAREDBE ZA PREDŠKOLSKE USTANOVE" zadužuju se nadležne inspekcije.

**III. NAREDBA ZA ORGANE UPRAVE I DRUGA PRAVNA LICA**

Naređuje se svim organima uprave i drugim pravnim licima na području Zeničko-dobojskog kantona, koje pružaju usluge šalter sale, da odrede osobu za kontrolu pravilnog provođenja higijensko-epidemioloških mjera ispred ulaza u objekat i to obavezno pravilno nošenje maske preko usta i nosa i poštivanje fizičke distance od minimalno 2 metra za sve osobe koje se nalaze ispred objekta.

